


來鳳縣志



卷三十一

藝文志

詩

卷三十二

雜綴志

集異存疑
洋青撥拾

卷末

跋

來鳳縣志卷三十一

藝文志

詩

五言古詩

蕉溪與及門諸子說易兼簡黃明府肅齋周滙江

許金圃兩廣文用昌黎南山韻新化貢生陳魁春大巖

易爲五經原鬼神在其囿畫前有易書畫後如錯繡周
文作圓圖大象綜營腠至哉元公心爻象理宗透十翼
作尼山團辭無挂漏生著贊神明衍數稽變就可與人

來鳳縣志

卷之三十一

藝文志 詩

一

酬酢亦可與神祐吉凶悔吝生何以明兆繇冥冥天體
高綿綿地折衷萬物並化醕男女得精構陰陽本無差
情狀何異候易書備廣大不停昏與晝聖人同民患貞
晦誰發覆子木去已遙曷如親受授講家大紛挐師傳
各俎豆研易似少陵祇爲吟詩瘦滿堂羅諸生說經須
破瞽五鹿雲折角斯人未易覲懸看先後圖胸壑苦蒙
愁天地有定位忽易乾坤竇離坎已分門日南月北走
風雷山澤居羲文若背謬衍母何所倚衍子何多又五
行列卦中幾疑若遇寇八卦與九章奚以若婚媾載鬼

盈一車張弧未弛穀觀象玩其辭欲言慚誼譎乾象六
爻龍飛五初潛畧見惕惟聖人亢則不可救坤利牝馬
貞先迷得在後黃裳獲元吉于野戒龍鬪無言化自成
物物神刻鏤一週十二辟辟辟如列岫春令有句芒孳
尾及鳥獸走者勤鬻乳飛者生嚼穀欣欣木向榮草色
吐新秀造化真冶爐鎔春遍宇宙夏令司祝融陰氣鍾
於垢朱雀啟文明咸章去樸陋羲叔秩南訛主伯徂耘
耨薰風入虞絃雲行雨傾雷秋令蓐收司火傘爲誰收
南雁北來賓霜風驕景鷺皎月浴銀河寒潭照列宿木

來鳳縣志

卷之三十一

藝文志

詩

二

葉下沉湘秋巖嘯猿狖冬令主元冥釁英吉凶究至日
嚴閉關冬暄愛烘灸星昴驗昏中民隩手多袖倚閣問
梅花天心見來復易道帝王師論政非強湊囊括典謨
言悉歸育對茂君子布經綸猶如風雨驟泰來歌卿雲
否傾聞雉雒申命緬三王宣猷殊井甃萬國慶咸甯庶
物推出首易造夫婦端理洽關雎奏作樂備詩歌家睽
臼攘詬取物及萑葦取象該瓊琇稱位詠羔裘晉上戎
飛鼬戍婦感歲時夫征占久逗邪思易所閑味言如飲
耐易中典禮行禮嚴不可狃天澤以定民上下與長幼

朝會制衣裳車輿制輻輳觀需造飲食觀鼎用烹飪天
祖禮當尊萃煥隆廟醕大壯謹弗履惟謙德乃懋易書
一春秋取義斷羣囁臣道重尊王筆凜河陽狩歸妹猶
歸姜正始言同臭城費嚴履霜至冰非邂逅庶馬錫康
侯醴酒賜享侑田禽利執言書討罪不宥叅伍與錯綜
森森羅庫廐主卦成卦主如師統介胄天圓既旋左地
方何轉右天干既起子德運何生戊火龍鱗不焦水虎
止不仆乾策坤策中鱗鱗若波皺互變各不同熟視空
疲脰作易憂甚深處世如遷貿身若糜株拘經膏何以

來鳳縣志

卷之三十一

藝文志

詩

三

漱有繫亦有說有序亦有糅河內得三篇豈是新聞舊
思順數逆數亂麻嫌久漚費學號古文其言直如溜災
異重京房其說多不售庚子拜雖恭等身徒課籛父母
切耳提斬馬呼停柩周孔同一心年湮不再邁哆口肆
高談類枉三番呪安似摹石經意匠窮宣籀 熙朝重
經術多士誦新標明府學素優敷政恢佐佑稽古育英
才執經羣得購廣文劇好道聲振秘書副擁臯鳴鏘鏘
勦說嗤牙餽餽粟主人賢三年慚淹留數公經袖儒不
僅多文富篋叟論俱同識說拈花嗅疑義久未晰爲我

啟錮疾雷霆風雨囊談經庶償儗

莊邑侯殉難詩

邑拔 王廷弼 斌夫 貢

到官甫三月山城煽白蓮相與興義勇倉卒無人烟賊
衆奪公去云公是好官好官不可殺但令勿生還或曰
不殺官此舉爲無名全屍瘞墻下直待時太平今朝同
公子啟殯易冠纓衰老喪旣歸先軫面如生忠義格天
日如公極哀榮臯復及今茲招魂淚如洗愧我同公戰
未得同公死公死猶如生公名不朽矣尚賴公英靈滅
賊靖邊鄙送公昭忠祠英風鎮千紀

來鳳縣志

卷之三十一

藝文志

詩

四

來鳳王生小艘以拔萃試京師被落將還苦索贈
詩挑燈成此以塞吾友之意諺云泥佛勸土佛
執筆赧然嘉慶甲戌仲冬拙書於朱文正師舊
宅

前學 鮑桂星 覺生 政

王生歸荆南倚馬索贈言我何以贈生述古當新篇易
云謙有終寶儉老所傳謙則客氣屏儉則介節堅爲君
試揚摧四座請勿喧人生天壤內晝食而夕眠同此七
尺軀我獨奚異焉最古號才子兩目空八埏文接馬班
踵詩拍李杜肩傲睨皇古上放浪師友前况復不修檢

佻健且輕儇風流敗名教談笑積罪愆遂干鬼神怒畢
世罹屯邅總因一念肆不肯佩韋絃反而痛自克江海
下百川至於慎取與此中宜有權苟非吾所有一介猶
山淵食民間二卵干城尚可捐視道傍遺金割席甯舍
旃所以不廉故皆由儉德難衣食與聲色谿壑不可填
尺寸少縱軼尋丈踰防閑畫壑啜吾粥憂樂天下關卓
哉范文正壁立萬仞巔平生於二者服膺頗拳拳行年
逮知非清夜良慙然百端未踐一始歎行之艱生也不
羈才崛起楚蜀間見我稱弟子執禮恭且虔家貧性則
來鳳縣志

卷之三十一

藝文志

詩

五

介不與時俗遷二者生所優饒舌慙豐干爲學貴精進
覆簣成邱山樹德務滋培時雨潤良田吾躬恥不逮吾
語出古先請效顏回贈不須繞朝鞭

癸亥七月初六日書事

選用張

鑑鏡如

同治癸亥秋七月初六日逆黨李復猷由川而黔出擁
衆數萬人狼鴟厲且疾焚掠蝦蟆池與吾實相逼風鶴
時聞警羽書疊告急或覓險砦逃或向高洞匿稚子路
旁棄老人街前泣斗大一石城勢決又必失民心忽然
回父詔兄勉力皆言民盡去官何以獨立官好民棄官

患難誰保卹衆志城可成况有城之邑去者相勉還徙者復勸集團練一時齊戈矛各豎植鼓鼙壯風聲旌旗耀日色賊聞有備矣宵遁之他國嗟哉牧民者端貴有仁術仁則危可安不仁凶少吉前後一齊觀斯理大可必

烈女井

邑諸生 雷錫慶 懷卿

烈女姓孫氏父文登儒者乾隆辛巳墮伏虎洞水中死母熊氏遺腹生烈女改適周姓周後物故烈女已及笄矣母多失德屢陰諫之不聽轉

來鳳縣志

卷之三十一

藝文志

詩

六

加凌虐狂且復誘脅之遂於己亥七月投北門外井中死時天暴蒸屍從井中出顏色如生生員歐陽祖璵親見其事紀其顛末道光間茂才雷錫慶偕同人立石井畔並刻以詩

借彼井中水爲儂洗塵襟儂有何塵洗卽此鑒儂心儂心清如水誓不受塵侵

邑侯王公筱華殉難詩

歲貢生安陸縣訓導 張

瑛 立堂

松柏本有心心能傲霜雪竹箭本有筠筠不畏磨折正氣鍾於人時窮乃見節公昔宰吉陽同舟識邦桀蕉溪

公既來匪徒迹消滅爲民預籌荒社倉穀千石政行恩
與威誰可比賢哲髮逆竄城中挺然寶劔掣相鬪力不
支捐軀以報國踞久賊遠颺屍尋北濠得守護仗鬼
神禽獸不咀齧面目猶如生精靈竟獨絕骸骨歸故鄉
士女咸悲切仰蒙高厚恩祠祀獎忠烈

七言歌行

蠻邨秋千曲

會稽進士施南府同知

商

盤

寶意

散毛司畔多邨舍柳稊乍生梅欲謝蠻姑結隊鬪輕盈
早春已見秋千架秋千之架高如雲鳳翥鸞翔影不分

來鳳縣志

卷之三十一

藝文志

詩

七

翩翹可惜落荒土未展六幅湘波裊黑白羅羅留部曲
蘆管聲中男女逐此戲還堪紀歲華相沿何用移風俗
君不見見豪家高館三月時十尋彩索雙畫旗江南舊夢
成追憶安得梨花作寒食

蠻刀歌

商

盤

沙渠土司悍且豪大爲容美小散毛納地久降諸峒長
尚存蠻種懸蠻刀此刀出匣三尺水吳潭素練翻秋濤
春鷗長毛白皎潔鷺鶉安用尋常膏蠻兒捷健逞身手
累年剽掠撲相遭官軍緩攻議勦撫居民雜處思犇逃

留茲利刀經戰鬪往往深夜鳴鳴號卽今向化買牛犢
兼有就學嫻風騷 朝廷威德加四海合兵不用臯蘭
麈羅平妖鳥避鷹犬大宛天馬隨葡萄東南自充財賦
藪零星荒土輕秋毫莫安有方賴守牧奸宄何日潛蓬
蒿孟勞伏突本凶器昇平盛世宜藏弼寒光如髮照無
寐起看太白西方高

表忠歌題前廣文殉難甘公墓

來鳳訓導

李大訓

香圃

先生之學在求仁先生之官在明倫學不求仁必苟祿
官不明倫必受辱先生之死重邱山清風高節邈難攀

來鳳縣志

卷之三十一

藝文志

詩

八

彤管標芳非等閑聲名常在天地間我後先生亦司鐸
昔有干戈今禮樂振新學校大興作祀公名宦人心樂
聞公名已列昭忠今之鄉賢復祀公一身三享俎豆隆
我拜先生甘下風孤墳鬢序之東首衰草寒烟蒙蓋久
樹碣表忠君知否潛江香圃李氏某

望水堡尋前縣莊公殉節處

來鳳縣知縣

勞宗煥

宜生

嘉慶丙辰年二月十七日公蒞來鳳甫三月風吹妖氛
開白蓮散毛紛紛訛言傳書生在官盡官守佛芝流毒
愁蔓延難作芝之先有佛有陳松者前來致詞詭陳形勢

勸公勦之公聞率衆遽往討中道遇賊望水堡民未知
兵力不支一時安望櫜槍掃賊衆縛公脅公降公罵不
絕截公吭刀砧引受血肉飛凜凜正氣扶綱常張典史
甘廣文同時死事先後聞男兒就義職無小竒氣不讓
南霽雲我來弔古慨陳迹一腔熱血苔花碧千秋萬歲
表忠魂視此紅岩一片石一片石七品官大書特書字
深刊侯官舉人莊紉蘭

丙辰紀事

邑拔貢 王煜 曉樓

嘉慶丙辰之亂予年尚幼家大人道軍中本末

來鳳縣志

卷之三十一

藝文志

詩

九

甚詳乃摭拾故實作樂府十四章選首五

白巾賊 述脅從之寃也

裹白巾披白衣懸白帳豎白旗一身挂白一家白道是
白蓮臺上蓮花師拜燈誦經咒一飲醉似泥得死以爲
幸異哉氓蚩蚩無字空中賊之旨賊中老母尊莫比但
知皈佛不知身引頸餐刀笑不止就中亦有呼號聲半
皆鄉曲脅從耳賊中脅從多復多可憐無知罹網羅焦
頭爛額等閑事洞腑穿胷可奈何錄囚爭送司命府受
降殺降誰活汝迷途一入無生途盡室駢誅何自苦天

可憐幾人雪爾盆下冤他生生長太平年再莫佛前拜
白蓮

野有屍 傷死者不盡國殤也

朝殺人暮殺人賊兵鬪殺人鄉兵仇殺人生靈十萬幾
家存無處紙錢吊新鬼無處淨土尋荒墳死不得葬葬
亦不得保其身可憐屍骸如山積春草芊芊都化碧杜
鵑啼斷枯樹枝明日便作西歸客

莊令尹 歎縣官之能報國也

臘月來二月死官不及七旬令尹事畢矣令尹不要錢

來鳳縣志

卷之三十一

藝文志

詩

十

雖死賊手賊亦憐全屍瘞墻下時平歸骨九仙山公子
麻衣易棺看先軫如生萬人歎駕鶴應來丁令威持矛
空感公孫瓚丈夫讀書當報國城亡與亡令尹職太山
鴻毛一死分靈旗壯我山川色

甘廣文 幸見危之能授命也

廣文老無力難禦跳梁賊日閉冷署不出聲賊脅公降
不可得賊曰不降便殺之公曰丈夫死耳肯降賊讀聖
賢書學何事如此偷生媿臣職賊勸不絕口公引三尺
綬明倫堂上授命時英靈聯步莊公後莊公先亦廣文

官琴堂鱸舍兩相歡一時同入昭忠祀名在豐碑神在天

哭白馬 痛王明府之以功獲罪也

白馬馳王公雖危如不危白馬死王公投荒幾萬里白馬與公寄生死當年脫險北門北馬如游龍人不識王公從此加顏色太歲威名壯山囿

賊見白馬皆反奔軍中呼爲白馬太歲

士死知己馬亦然馬豈願服黃金鞍大帥索之不能得封章直達

天子前冤公軍事曾有愆馬兮馬兮人可憐一朝

來鳳縣志

卷之三十一

藝文志

詩

十一

命下伊犁謫玉門關外天何迫馬在公無功公在馬何益大帥高高天咫尺人兮人兮馬可惜嗚乎馬受豢養恩感恩殉公惟一身吁嗟大帥伊何人

全秀才福殉難辭

時年七十二歲

遠安縣訓導

張光杰

偉人

老秀才老秀才時危矣避速哉秀才答言君不曉吾人一生讀書已到老猾賊如此恣猖狂無官無民殺之如菅草蚩霧蔽青天妖氛迷白日大府誠何心一卒竟莫出草莽欲起一旅師無人忠肝義膽共賦同仇與有爲傷哉義氣猶未張中途遇賊殊倉皇賊衆直縛秀才往

謂是妖頭脅之降秀才罵賊不絕聲蠢爾么麼何縱橫
一時忠義憤發身不顧聲泣風雨氣挾雷霆激昂慷慨
輕死生一賊起云殺之快老頭巾耳何足愛一賊起云
舍之便畜老憚殺况人面秀才之節窮且堅不畏威武
不受憐怒罵之聲仍凜然不惜頸血濺賊刀魂魄飛散
雲天高賊爲秀才留廉恥章身不脫敝緼袍秀才頭銜
不足竒秀才一死有維持無官無守且如斯嗚乎無官
無守且如斯

庚寅大水

嘉魚縣教諭 何遠鑒 葆山

來鳳縣志

卷之三十一

藝文志

詩

十二

雷聲風聲送雨聲長江鼎沸波濤生奔騰一瀉三千里
萬道飛泉奮激行浩瀚汪洋勢莫止衆壑爭趨疾如矢
走石推沙高岸崩不見柳堤惟見水水行更比禾田高
山人來報漲平橋道傍行人不得過相隔銀漢路迢迢
莫辨山國與澤國農人相顧有憂色謂我辛勤半載功
一朝淹沒空施力不見鼉吼鯨奔拔地起雲氣蒸屯猶
未已安得手撥浮雲開乃教普天之人歡喜

仙人崗

王煜

若有人兮山之巔岩栖不知幾何年何年此地鍊金丹

金丹鍊就飛上天碧崖終古留雲端山高逼霄漢洞在
山之半門前八九木闌干舊者欲墮新者換闌干縱橫
何處無仙境終與凡境殊崙中碧潭清無底如從海上
望蓬壺君不聞海內洞天三十六龍抱神淵虎嘯谷五
出曾坐黃安龜一車爭駕衛卿鹿茅山況有茅初平時
下元州戲赤城三山宮闕金銀色三華神氣餘晶瑩崑
山瓊燦鍊魂魄牧羊都是紫霄客采藥當成四河車論
交請坐三生石石下水聲暮飲碧石上霞光曉餐赤仙
人只合住名山何當同驂鸞鶴白柯爛猶呼碁局殘碁

來鳳縣志

卷之三十一

藝文志

詩

十三

子聲落雲漢間幾時飽喫青精飯從師浮邱去不還

卯崙

邑諸生張濤子松

南鄉卯崙太竒絕山勢迴環水勢滅其中靈竒多異常
大崙正崙景差別迢迢二水相滙流西自西陽東施州
奔流到此不知處下入辰沅隨沉浮上溯水程三十里
浩悠平流自漫水行去河隘夾危岩竹箭飛馳去何駛
忽然前度天門開浮圖對面撐崔嵬香爐棋枰列龕下
何時遺蹟真竒佺大崙門廣十數武層臺周圍半畝許
石几方平幾三尋其上幽邃難悉數依稀慈雲大士龕

蓮花座旁龍女叅滴滴徧灑楊枝水花瓣倒垂籠優曇
嶽崎復有四靈石龍勢騰空鳳翔翮麟龜蹲伏形如生
千秋栩栩著靈跡却步登舟轟急湍削壁灑瀑森陰寒
正尙可望不可及門前時易新朱欄豈眞仙靈恣游戲
胡爲往往見神異幽深靈秀天所鍾不妨然犀探秘邃
我生遊覽頗好奇探幽陟險任所之書此聊作卯尙記
披閱卽是卧遊時

夏日游石佛潭

張鑑

何人鑿險鐫石佛列坐崖間森屹屹撥霧攀蘿躡飛蛇

來鳳縣志

卷之三十一

藝文志

詩

十四

驚魂動魄疑神物菩樹曇花環交加古籐慈竹相蟠鬱
上有干霄之嶓嶲中有空洞之岌岌仰觀萬丈雪飛瀑
俯矚千尺碧沉潭六月炎赫不知暑白晝陰凝欲飛雨
日出日入爲蔽虧雲來雲去任納吐樵人每駭虎豹過
漁子時聞蛟龍吼凌空一樓山之陰時當長夏舒胸襟
追溯東晉迄今日石壁刻咸康年月山水長此有清音胡爲乎
謝公屐著不到此李白西謫絕登臨地無名公巨卿跡
山水寂寂少顏色我來攜有句驚人醉後高歌鬼神泣
昔聞韓子諫佛投枯骨梁公燬佛庵寺滅雖爲吾道嚴

防閑要亦賢者之過刻孰若不闢亦不佞因物付物各
如性君不見畫師畫佛別有神詩人談禪深入定筆墨
得以搜怪竒天地之間增妙境此佛何以不面壁深臨
古潭波激激人言祈禱多有靈我亦爲之三拱揖

遊佛潭

邑舉人 何盛矩 伯方

山色蒼蒼高浮天溪聲汨汨平入川山耶溪耶兩清絕
岩端忽湧千葉蓮城東古寺壓山腹牟尼隱現珠光圓
鬼伯蠻君列四壁金身趺坐中高懸丹壁無梯那可上
竒哉造化工雕鐫飛樓湧殿奪天巧直自林麓窮其巔

來鳳縣志

卷之三十一

藝文志

詩

十五

手剔苔蘚尋斷碣字跡猶識咸康年憶自胡羯犯嵩洛
司馬家兒方南遷中原衣冠化塵土夜郎萬里無烽烟
帛姓妖僧來身毒奉持神咒誇通元腹孔拔絮發光怪
錦衣雕輦事尤虔聽民奉佛制非古遂令荒徼遙相沿
歷億萬劫恒不壞眉放白毫照大千坐閱滄桑數千載
面目剝落神常全偶來小憇借僧榻到門六月風蕭然
老藤翻空瘦蛟舞檐端滴溜聲濺濺潭水炫綠深不測
舊聞此處沉鐵船大旱欲雨禱輒應簫鼓驚起癡龍眠
道人延客忘禮數苦茗新汲溪流煎擾擾塵世苦醉夢

雲山佳處心神便繁華過眼喜清淨英雄末路多逃禪
我思不朽可立致人壽何須金石堅如來聞言應大笑
不圖作佛違云仙

登迴龍山訪唐開元寺遺蹟

邑拔貢

張

峻小山

羣山起伏乘雲走矯若游龍昂厥首歛然回顧從西來
天公暗銷黃金紐頭角崢嶸向碧天舒張鱗甲生雲煙
偉哉造化鍾靈怪其中應有飛來仙傳聞古佛曾居此
梵王宮殿參差起借問住錫來何年三郎沉醉爲天子
版圖庸必附明皇寺號開元屬渺茫我登絕頂尋遺蹟

來鳳縣志

卷之三十一

藝文志

詩

十六

恍同末世談洪荒樵夫拍手向余笑胡爲洒淚來憑弔
阿房仁壽俱塵埃千桑萬海誰能料一聲長嘯謝山靈
斷碣殘碑目未經金粟如來何處訪斜陽一片數峰青

迴龍山訪唐開元寺遺蹟

邑諸生

張

浩敬卿

城西有山凌碧空峭若天際之芙蓉巖谷綿亘數十里
蜿蜒屈曲如迴龍山勢重叠地清迥我亦登臨來絕頂
烟銷日出風景開步步引人入佳境上有古柏于青霄
下有鳴泉聲怒號林猿野鳥語岩壑茅舍竹籬臨溪橋
老人扶杖向我揖問我何事遍遊獵舊聞開元有古寺

欲向老人細研詰老人言在雲山前故址寥落無完全
春風春雨數百載桃李無言空鬪妍旁有僧墓小如斗
松林老鶴日相守可惜古寺今無存徒留此山長不朽
登山須到山盡頭山中古人今在不林鳥不知人去盡
低頭向我鳴啾啾

鄧衛公愈振武巖

王煜

南荒舊有散毛崙元朝天子早納貢宣慰軍民亦有年
感化山川竟無用天魔舞起國事非玉珍據蜀散毛歸
已作沿邊都元帥不知明祖更尊威朝貢不來干戈起

來鳳縣志

卷之三十一

藝文志

詩

十七

虔劉芟夷及邊鄙自大真如夜郎王眼中何有漢天子
聲靈已及蠻山陬天戈直指荆南州征南將軍鄧衛國
堂堂元老壯其猷搃金伐鼓駭林莽燔燧然烽驚酋黨
飛揚旌旆如雲荼三十九崙齊掃盪野旺前徒已倒戈
牽羊啣璧降山阿軍前獻出僞夏印漢關壯士齊長歌
長歌聲中便振旅爲洗高崖鎮戎虜昨朝曾告太歲神
果然將帥如貔虎分道更有周德興吳良侯五溪蠻崙
同時休水盡源通塔平處依然貢獻三年秋散毛關外
駐征旆三月功成此其最揚威特書振武巖擘窠三字

如斗大衛公開國多奇功衛公吐氣若長虹當世惜無
班固筆稟經酌雅銘英風將軍揮毫濡醉墨下手震驚
千百國苔封蘚護五百年字體模糊猶可識我聞遺事
笑前明遠畧雖勤非至誠設衛廣屯焉可制年年歲歲
煩天兵何似我

朝敷文命闕外不勞霍去病一民尺地皆版圖

帝德遠邁唐虞盛我今亦墮散毛鄉訪古爲弔甯河王
此巖昭昭懸日月高摩碧落生光芒

天聖石柱歌

候選
張鈞
蓮舫

來鳳縣志

卷之三十一

藝文志

詩

十八

羣山如龍不肯住飛騰都繞富陽去一山戴石作虎蹲
上有天聖立石處石柱胡爲在此邦州分富順境相望
蠻觸所爭僅蝸角虔劉豈憚盤羊腸天禧之中略用武
夫子桓桓來夔府窮鳥已見號琯弓小河無須畫玉斧
股慄耳帖垂十年蠻雲墨墨生烽烟邊吏不敢告天子
羽書夜達刺史前刺史指揮出雲棧蠢爾小醜何足辦
天上將軍下史方馬前夷長降田晏巉巉之石堅且圓
爲之界破混沌天詳記叛服分畛域大書歲月深雕鐫
南人自此不復反七女柵前春風滿持護常同神物看

摩挲敢忘天威遠蠻方撐拄經元明毛髮畢見光晶瑩
一朝變化挾雷雨響徹林木藏山精吁嗟乎金人何處
長承露石馬誰家終守墓白石黃金有盡時天傾地陷
亦常數此物當年在人間久與咸平鎮百蠻我今駐馬
尋殘柱洞雨溪風暗二關

烈女井

何盛矩

白蓮花在泥滓偶出污泥生誓托清流死花落香風拂
井水井水無波風來苦多古井無波風奈何我於兒時
聞孫烈女父溺母出女時年十五莫慰母心謂他人父

來鳳縣志

卷之三十一

藝文志

詩

十九

烈女之生遇獨苦曹娥碑凱風詩女以一身兩兼之母
不貞生何爲兒完貞死已遲身是女貞木豈容鶴鷗巢
其枝飲泣訣母披髮呼天母也不諒下從阿父黃泉是
時六月晝忽冥冥雷砰礮風悲鳴一躍入水天爲驚水
不波雲密布一屍在水神常護屍出三日面如生蛟龍
遠避蠅蚋無聲只恨難回慈母心亦如古來忠臣不得
於君父汨羅江上哀屈平江水濁何如井水清井以人
傳千古名碑已折泉已竭烈女之名常不滅女媧石補
天缺

烈婦井

文童 張之沛 小鏡

烈婦姓黎適同邑何星階文生悅誠女也母鄢氏旌表節孝咸豐辛酉年九月十五日夜髮逆陷來城烈婦身纖弱恐爲夫累遂投園井死賊退得烈婦屍猶如生鄉人哀之呼爲烈婦井平生秉性如金鐵一朝殉難更激烈身弱足纖行不得緩死須臾賊必獲勸夫早逃莫少息無爲妾累遭慘刻妾不速死恐污涅身辱作鬼亦不潔雙雙攜手正泣別羣賊已環烈婦宅催促夫走踰墻闕身投園井聲寂寂

來鳳縣志

卷之三十一

藝文志

詩

二十

賊退夫歸尋蹤跡漉起全屍形如活縐絺尚蒙作祥緹珠鈿猶壓在鬢髮水神晝夜守屍骨時經五月不變色吁嗟乎烈婦有母誓守節節烈相繼光奕奕巾幗之中此竒特扶持綱常不朽立

五言律詩

惜春

山陰人來 鳳縣典史 張甯

宦况頻年薄匆匆百五過春殘鶯尚囀愁重馬難馱花骨埋紅雨吟魂散綠莎東風今已去幾度對松哦

甘學師殉難詩

邑拔 貢 王廷弼 斌夫

廣文學官耳一死不爲愚守土雖無責尼山亦有徒讀
書明大義臨難識真儒愧彼干城侶空留血肉軀

奉親命赴郡乞師

王廷弼

遠害非無計難違白髮親教移忠作孝未許我猶人剪
剪風盈袖團團露壓巾書生圖報國敢憚馬蹄塵
故國難回首孤哀自激昂淚零嗟楚覆椎奮痛韓亡菽
水虧春晝征鞍帶曉霜如何甘效逆猶信禮空王

懷王明府

時謫戍伊犁

王廷弼

萬里玉門關流人幾見還大荒飛鳥外殘驛夕陽間此

來鳳縣志

卷之三十一

藝文志

詩

二十一

地難埋劍何年看賜環西風無限淚落草卽成斑

二月二十日募勇爛柴崗陳家灣作此示諸同事

孝感縣訓導張鴻範羽儀

釃酒將心白椎牛歃血紅與君盟皎日大樹起雄風家
國仇須報安危志要同自慚才術短努力望羣公

嘉慶丁巳奉檄至來鳳協辦善後事宜館於王斌

夫別駕宅暇日斌夫與其季弟建侯邀同盧星

丹少府登半邊城感而得詩

試用縣知

劉起鵬

碧崖

無字空中指紛紛春復秋性雖凶水草勢莫等千矛九

寨豺狼靜偏城屋宇休青燐飛夜半鬼哭尚啾啾
曾聞受降 詔屢下 聖仁朝天道不好殺元戎
心益驕坑人學曹翰定遠賴班超巴蜀猶烽火難爲兵
氣銷

風塵昏百里臣節盡三公白馬飛騰久蒼生願望空讀
書難報 國感舊憶從戎王子真竒傑歸耕不計功
指點殘營壘淒涼萬鬼場請纓猶壯志着屐又斜陽才
大通兵法時清賦國殤起家自忠孝誰復似王章

同劉碧崖明府王斌夫建侯昆仲半邊城晚眺

來鳳縣志

卷之三十一

藝文志

詩

二十二

順天人試 盧之槎 星丹

愚昧誠難測哀哉十萬家升天失門戶轉眼化蟲沙佛
子無君父靈文助逆邪 天戈來楚徼研斷白蓮花

隨伯兄斌夫陪劉碧崖明府盧星丹少府登半邊

城作

邑庠 王良弼 建侯

兄弟得隨行東山趨晚晴青青三月草寂寂半邊城冷
落新烟火銷磨舊甲兵不堪回首處狼豕憶縱橫
蓮花作禍胎大意笑如來就戮一開土 匪僧 報恩三秀
才 蕭大鍾何 殺降無可訴守義不能回魂魄今猶殺鬼

潭周南

雄俱可哀

街市不復見回思心尚寒積薪堆鬼骨炙膾雜人肝鷹
犬交相惡鯨鯢不足歎可憐泉水白曾見血流丹
唱罷國殤曲淒涼不可支兵戎亦天意儒雅得吾師劉
向通經術明碧崖府盧綸咏古詩少星丹府元方曾報國感激
少年時

門人王小艘舉拔萃北上道出武昌以喜雨行見
贈感其意之勤而無以酬也走筆賦五律二章
以送之
施南府知府 譚光祥 蘭楣

來鳳縣志

卷之三十一

藝文志

詩

二十三

南郡有才子情深江漢雲空山一相見幾日復論文
竒筆爭三峽雄懷薄五君聲名追賈董會向漢廷聞
作郡吾滋愧吟詩亦不閒彈琴流楚水橐筆寫燕山短
劍悲歌切空囊客路艱吹噓有鮑叔早到五雲間

謁太康張公祠

遠安訓導張光杰偉人

張公有遺愛一早便知恩鑿險興民利緝幽引水源廟
堂臨穉稷俎豆薦蘋蘩父母人爭喚堪同召杜論

弔王邑侯殉節處

文童張宗道

野外斷人行鴉啼不住聲炊烟淒萬戶冷月照孤城有

僕同憂患無兵可戰爭效忠三尺劍雖死面如生

張公祠

張宗道

赤子謀衣食當時費斡旋鑿開山外石引出洞中泉分
潤無乾土流膏滿大田遐哉賢令尹祠祭尚年年

鳴鳳樓

來鳳縣知縣

勞宗煥

宜生

百尺岑樓在蒼茫倚夕曛星躔參翼宿天象炳奎文秀
挹蕉溪水晴開桂嶺雲朝陽羨鳴鳳雖翻九霄聞
漸改蠻方俗歸流已百年光華萃文物溘樸闢山川風
景足圖繪鄉閭多誦絃溝渠聞利溥一脈引原泉

來鳳縣志

卷之三十一

藝文志

詩

二十四

眼界高空擴登臨一放歌崇崗列屏障老樹上藤蘿石
磴題詩去風廊載酒過劇憐晴日少只是野烟多
晝永衙叅罷時為踏履行試開千里目同上半邊城落
日含鄉思浮雲淡宦情所欣春雨足秧鼓勸農耕
入南軍請兵道中口占
選用張鑑鏡如
通判張鑑鏡如
直向秦廷哭期收楚國還乞師知不易仗劍敢辭艱馬
首盈霜雪人頭落草菅元宵屈指近可許賀平蠻
亂後歸來蒿萊滿目登城四顧愴然於懷

候選訓導

張鈞

蓮舫

轉瞬感滄桑登臨惹恨長川原仍故國城市半頽墻樓
影空流水人烟斷夕陽可憐荆棘長白骨聚如霜
矯矯王明府存亡與此城見危能授命雖死信如生策
豈先幾失功難獨斷成空留忠義血碧染草菁菁
麋子鳴空峽將軍盡斷頭生還無勇士死戰惜良謀野
火青燐聚春波碧血流西樓時縱目怪石不勝愁
吾愛劉光世臨危敢策兵一軍橫隘巷羣賊泣孤城不
忍原燎火胡爲夜拔營至今橋下水嗚咽有哀聲
高鳥翔朱雀殷然夜入城三更乘鼠竄一怒作蛙鳴有

來鳳縣志

卷之三十一

藝文志

詩

二十五

土誰司命無家更苦兵搔頭問天意何以慰蒼生
舉室生還日風光漸不同柳迎虛巷綠花待故人紅民
氣蘇新霽天心兆屢豐綢繆須未雨澤畔尚飛鴻

桂林書院

在卯
崗司

張鈞

手撥蓬蒿入淒涼此院中鳥銜殘卷墮鼠走講堂空石
碣縈苔綠荆花委地紅蠻雲呼不醒獨立憶文翁

七言律詩

往散毛土司勘田日行萬山中

浙江
進士柯

煜菴石

歸州已歷萬重蠻又入蠻中地屈蟠舉首對天原咫尺

放懷行路豈艱難竹堯可坐甯嫌窄冬日如春未覺寒
要使遐方蒙闡澤祇憑勞苦致均安
籃輿雖駕半徒行徑曲崖欹怪石橫縹緲似仙身已憊
鱗皴入畫骨還驚僕隨猿引常連臂水激鐘撞不絕聲
欲倩巨靈平險阻試捫心地更宜平
竒秀還如目素經雲開天朗快瞻聽瀑泉聒耳疑匡阜
修竹連山宛敬亭高嶺擘分雙髻縮遠峯環列十眉青
飛行濟勝慚無具且挹清暉養性靈

入箐

柯煜

來鳳縣志

卷之三十一

藝文志

詩

二十六

歸州山隘鴿穿天此地兼無鴿可穿深箐互施重頂幄
竒峰微露倒垂蓮猿吟隔澗紛相應樹卧當途礙折旋
遙憶曲江同宴客紫霄穩步作神仙

散毛司卽事

柯煜

誰道南荒行路難 聖朝冠帶徧羣蠻計程不似巴
山峻蒞衆宜知漢法寬豈有憑依成險阻共遵禮教自
平安石菴行處皆稱佛莫作蒼鷹乳虎看
高林深箐翠成圍人自中原到者稀懶訪丹砂收箭鏃
兼無綺語織弓衣犬牙相錯勤區別蝸角紛持誰是非

父老聚觀添喜色漢官言動藹春暉

崑民有乞詩者賦此示之

柯煜

踏徧西山路更西山高祇覺白雲低愧無治行傳三楚
畧有詩名播五溪夜宿葦林如過雁曉驚茅店聽鳴鷄
更從二酉探竒秘不負平生古與稽

萬山深處

柯煜

除却樵夫到者誰畫師詞客幾曾窺畧無十步寬平徑
但訝千崖孔竅竒轉側豈惟騎馬滑岩堯祇覺過雲遲
丹青百斛殊難狀邨得形容入小詩

來鳳縣志

卷之三十一

藝文志

詩

二十七

冒寒涉水加犒輿夫

柯煜

天逢九九氣嚴凝赤脚何堪更踏冰就淺已驚波洶湧
礙人尤避石峻嶮宛渠螺遠應難覓蚱蜢舟輕未易乘
辛苦輿夫功不細豚肩斗酒鼓飛騰

教匪發難作

邑拔王廷弼
斌夫

嘉慶元年二月春穴沙小醜蕩清塵絃歌寂寂難爲魯
巖洞深深好避秦蔽日妖旗翻雪浪瀾天飛火漲烟塵
失機人抱睢陽恨竹簡香生死事臣

題虎耳山寺

邑拔張書紳
道存

寺祀靈官妖蛇憑之甚有靈驗湖南老儒某作
詩頌神異因闢焉

笑煞蘭臺老一經誤將妖物作神靈全無膏雨流鄉里
獨有腥風蕩野亭春色蓬萊千嶂碧秋光滄海一燈青
安心好傍醫王法莫使蒼天怒激霆

偕邑紳祭殉難三公祠

來鳳縣周向青蘇門

市上傳籌放白蓮妖氛已在佛芝先教匪初起有佛散

毛土俗情猶獷瀝血疆場志益堅張許雖非同日死王
楊尚賴一時全平生識字惟忠孝香瓣南豐奉致虔

來鳳縣志

卷之三十一

藝文志

詩

二十八

世俗因循實罪梯管絃聲啞響征鼙人皆烏合宜投首
事爲狐疑反噬臍守節無慚三尺土登陴難覓一丸泥
至今衰草斜陽外尚有哀猿不住啼

閩越循良楚北英一時同難得齊名政成三月時方淺
節顧千秋死亦輕徒有衣冠昭激烈可無祠廟表忠貞
聖朝曠典超前代卹蔭誠爲泉下榮

借箸全憑方叔猷相傳羊祜亦輕裘南雷助陣能驚敵
瞻尚從戎得報讐莊公子念謀甘公一老猜嫌甘誤國

幾人歌舞盡封侯書生眼見滄桑事說到功高涕泗流

丙午憂旱

嘉魚訓導 何遠鑒 葆山

大旱爲霖願未償關心米價問低昂
山高不怕兼旬雨地僻難禁六月荒
莫毒魚蝦傷造化多栽藷芋備秋糧
祈甘端藉賢侯力會有精誠格上蒼

和何葆山孝廉 聖宮種松原韻

來鳳知縣 李 勗 南渠

纔出蓬蒿力不支殷勤扶植未須遲
自將泮水池邊種好趨東山雨後移
拓地預留盤鶴處參天應有化龍時
鐵楷老樹分靈氣萬仞 宮墻總護持

來鳳縣志

卷之三十一

藝文志

詩

二十九

題張蓮舫廣文天聖石柱歌後

李 勗

心折張郎石柱歌長篇突兀興如何
一時壇坫齊盟少三楚江山得助多
大有雄風開瘴癘欲鐫好句向巖阿
倘逢孝穆西來使片石韓陵兩不磨

聖廟種松偶成

何遠鑒

大厦急需梁棟支十年樹木未爲遲
儲材 廊廟心先 養托跡 宮墻節不移
秀色定標霜降後濤聲好聽月
明時春風春雨欣欣長他日參天謹護持

大旺司館中口占

邑廉 孝 楊逢祥 吉人

野館寒燈夜未眠更闌猶聽水潺潺遠村雞唱雲深裏
山寺鐘鳴夕照邊千个竹斜朝雪影一林春暖午晴烟
靜中妙趣知誰得不用高僧也學禪

奉陪夏培堂夫子遊天姥洞

楊逢祥

坐風立雪已多年杖履追隨更有緣妙境還尋丹穴下
豪情長放碧山顛時伸佛手拈花笑獨寓婆心枕石眠
明日扁舟回望處磨崖錦字起雲烟

夏日邑侯丁公星舫招同龍山易小坪明府

學超

鮑星堂廣文

陳

王萬青

啟選

楊一峯

徽猷

兩茂

來鳳縣志

卷之三十一

藝文志

詩

三十

才遊佛潭

遠安縣
訓導

張光杰

偉人

峭壁深潭取徑幽冷官竒士記同游雲山幻化留千佛
龍鳳招攜有兩侯到此清風生大暑可知仙客好高樓
詩情已共鑪烟結却恠潛蛟舞不休

近鳳山大觀寺同李載川邑侯作

張光杰

直上丹梯第幾重白雲輕逐馬蹄鬆船來渡口分南北
人立峯頭瞰鳳龍箐竹深陰藏古寺松泉清響答踈鐘
名山我已登臨遍一瓣心香在岱宗

邑侯
南人 濟

近鳳山大觀寺

邑人黃宗器
板橋

鳳嶺迴翔意氣橫光搖翠黛半邊城
閑花滿野風無色
好水環山月有聲
秋早忽聞來旅雁
春深記得語流鶯
禪關解脫非難事
更失千秋寂寞名

九日與友人登飛來閣

邑拔

張

峻小山

凌空傑閣鎮崔嵬
此日登臨倦眼開
我輩相尋佳節到
名山也幸可人來
消除俗客塵千斗
奉勸金仙酒一杯
爭笑劉郎狂興減
題糕不敢負詩才
飛來高處作重陽
共笑狂奴老更狂
入眼雲山供嘯傲
側身天地感滄桑
聊斟濁酒酬千古
欲上層霄覽八荒

來鳳縣志

卷之三十一

藝文志

詩

三十一

仙佛有緣同一醉
歸家各帶菊花香

登望遠峰

張峻

仙人招我躡丹梯
絕頂高吟望不迷
脚底雲扶飛鳥上
耳邊風送斷猿啼
峰如健馬奔三蜀
水似游龍下五溪
但恐謝公遊不到
驚天竒句共誰題

登青屏山夜宿佛寺

張峻

爲訪狂僧望渺然
聳身飛不上層巔
高尋細路垂如綆
俯視遙峯小若拳
幾片閒雲棲殿角
半空斜月卧窗邊
秋宵清極無塵夢
破睡聊烹第一泉

軍中感懷卽贈王斌夫同年

來鳳知縣 王三錫

四山巖竄建旌旄鼓角聲中畫策高馬首戴雲開短劍
人頭飛血灑征袍良民家破情原慘烈士才多胆亦豪
遭際 聖朝無可報提戈殺賊要吾曹

病中聞賊搜山望官兵不至愴然有作

恩貢 劉之均 嵩樵

中宵忽聽角聲聲報道搜山賊肆行一病已知成九死
臨危可免說偷生殘燈少焰天難曙斷雁無依夢乍驚
小醜跳梁今兩月 王師何日掃欃槍

來鳳縣志

卷之三十一

藝文志 詩

三十二

紫雲關感事

貢生 何遠略 仲韜

大將威名似虎熊手提十萬據關東躬親矢石三軍肅
壘伏風雲八陣雄地接龍城推重望兵臨鳳嶺奏膚功
無端羽檄傳訛信坐使封侯局不終

避亂天然洞

邑貢 張 治 崑山

尋得仙源隱共招藤蘿深處路迢迢飛泉濺石晴還雨
峭壁懸燈晝亦宵山腹暗藏千竈火天心巧設一弓橋
奉親未得終親養兵氣能銷恨不銷

辛酉 避亂十年九月先奉親

背見

避亂山中感懷

邑舉人 何盛矩 伯方

干戈阻絕寄山村
剪紙來招亂後魂
起舞聞鷄呼祖述
對談捫虱愛桓溫
酒漿已罄哀東國
鎖鑰誰堪付北門
寄語南來諸將帥
好乘元夕奪崑崙

聞官軍克復鳳城

張治

妖氛遍地掃難開
忽報王師數萬來
龍邑頓添新戰壘
鳳城無復舊樓臺
百年事業成灰燼
四野田園半草萊
我亦有家歸未得
杜鵑何必苦相催

賊退旋里

張治

來鳳縣志

卷之三十一

藝文志

詩

三十三

舊時臺榭委塵埃
一帶頽垣長碧苔
蔓草綿芊隨處有
梅花冷淡爲誰開
賊兵交錯難爲計
骨肉流離實可哀
四顧蕭條無別物
空留一犬卧墻隈

亂後暮春登城誌感

張峻

豹狼盤踞亦稱雄
西勇南其競戰攻
無數樓臺經劫火
有情花鳥怨春風
圍城短樹參差綠
繞郭殘陽寂寞紅
何事饑烏啼不住
人家寥落淡烟中

弔蕭甥紫峰大鍾茂才

新化貢生 陳魁春 大崖

太乙靈旗指夜郎
書生投筆試戎裝
能伸大義迴妖夢

又挺雄心破鬼場地，下高談見隨陸。天邊遺憾及金張，
楓林關塞魂來遠。死後猶聞俠骨香。

狂風捲地水增波，擊賊誰能競荷戈。兩道烟塵昏戰馬，
一腔血淚灑長河。使君正氣乘朱鳥，仙尉吟魂散綠莎。

張尉惜春詩有吟
魂散綠莎之句太息蟲沙同往劫，精神無處向頭陀。
予與紫峯聽夜梵紫峯云
今夜精神抖擻向頭陀矣

騰空蓬火動妖氛，大節堂堂迥不羣。爲國共推唐許遠，
請纓何媿漢終軍。烟銷虎岢嘶殘月，日落龍山哭暮雲。
浩氣成仁魂魄毅，靈旗風雨夜深聞。

來鳳縣志

卷之三十一

藝文志

詩

三十四

妖星橫擁木城門，獨有茲生氣節存。臨陣未能忘母病，
讀書原要報君恩。三忠碧血同心誓，百里青山獨
葬魂。壯烈至今神鬼泣，怒風穿骨散毛昏。

上將威名動列侯，幃中每賴贊前籌。雷聲震石魑魂碎，
火彈衝雲劔氣遒。三堡樹深狐嘯雨，九龍烟淨日橫秋。
平妖可賦才人逝，猿咽西風渡夾牛。

和熊五夜有慈親愛爾，才華迥絕倫。千里孀居吟苦節，
半生歸夢憾孤貧。悲風遠送黃驄曲，片土沈埋玉樹春。
報國心雄遭計毒，慚他朱履上星辰。

一枝春賦冠羣賢幾日聯吟小雪天滇海蒼茫饒健翼
甲坡慘淡是重泉何期春露叢蘭候竟化哀蟬落葉天
竒字滿床誰問訊竹窗螢火對愁眠
萋萋碧草墓門蕪憶爾悲歌擊唾壺義激生前倡勇士
名留死後振頑夫深閨對影愁鸞鏡遠道遺言弔女嬃
最是傷心寒食節一盂麥飯泣孤雛

何生巨源殉難詩

陳魁春

白社妖氛動四鄰嗟君偏作劫沙人生尋舊雨依松竹
死抱新詩泣鬼神寡鵠閨中彈怨瑟孤雛膝下累慈親
來鳳縣志 卷之三十一 藝文志 詩 三十五

蕉溪烟月重回首爲賦招魂淚滿巾

莊明府

增生 饒琳 月樵

乾坤莽蕩起烽烟爲國捐軀豈偶然宦轍已悲春夢短
遺民爭頌使君賢危疆况乃無城郭曠典居然享豆籩
閩海忠魂飛不到子規啼血自年年

甘廣文

饒琳

苜蓿堆盤苦備嘗何期厄運遘黃楊官非守土生何害
職在明倫死不妨縱使招魂滿天地可憐延頸報君王
聖朝曾錫褒忠典俎豆猶欽泮藻香

邑侯王筱華殉難詩

張峻

西風吹送鼓鼙聲
僅恃區區斗大城
戍卒雷奔悲失險
丁男鼠竄痛無兵
魂飛楚北秋雲黯
夢繞江西夜月明
事不可為甘一死
高堂泣別淚先傾

求援偏覺羽書遲
賊衆城空勢莫支
健僕尚留真血性

僕彭元從難

同官誰作好男兒
秋風激烈天含怒
夜色淒涼鬼守屍
但恐龍門編不到
長吟為賦大招詩

邑侯王筱華殉難詩二首

選用張鑑鏡如通判

梅關失險早心驚
羸弱何堪與守城
倉卒又傳風鶴警

來鳳縣志

卷之三十一

藝文志

詩

三十六

閭閻祇戀室家情
危如碁卵難籌筆
遠隔湖天悵請兵
大勢已看流水去
惟拚一死盡忠貞

十五宵寒月正圓
靈隨皓魄上青天
無情白刃誰同蹈
有血丹心獨秉堅
賊悍未除君國恨
屍留不朽鬼神憐
九原如遇莊明府
涕泣當年煽白蓮

惠將軍春殉難詩

張鑑

風號激烈雪雰霏
夜半角聲賊打圍
委地戈矛悲戰士
運籌帷幄失軍機
傷心馬革無屍裹
攜手鴉兒有伴

歸同難守備周出料得龍辰師濟日應為厲鬼執兵揮

弔惠將軍

監生 何 暘 白樵

朔風吹送角聲哀，雪滿荒山戰壘開。
一騎身先馳險隘，全軍骨已委塵埃。
志存報國方爲勇，武不貪生謾論才。
麋子峽中憑弔處，可憐碧血染蒼苔。

弔邑侯王筱華殉難

張 治

羽書告警賊紛羅，旗幟如雲越境過。
幕府誰能宏保障，鄉民不慣任干戈。
此身早已三朝許，壯志曾經百戰多。
公歷署麻城應城數縣皆賊所到 月照孤城人四散，
傷心黎庶淚滂沱。

王公筱華殉難詩

監生 張永芳 芝山

來鳳縣志

卷之三十一

藝文志

詩

三十七

彗星西指夜三更，怒髮衝冠繞署行。
剩有孤身留虎穴，不將匹馬入龍城。
恩頒 丹詔忠堪憫，血濺蒼苔死亦生。
一片精魂何處覓，青山無限夕陽明。

留別蕉溪諸同學

陳魁春

碧樹驚秋玉宇涼，離琴彈在散毛鄉。
一枝碩果操逾固，千里勞薪味已嘗。
砌竹畹蘭留後植，晨星曉月趁歸裝。
他年天未吟紅豆，夢繞南豐一瓣香。

留別朝陽書院諸生

武陵舉人 夏元成 陪堂

彈指光陰四序移，媿無學殖擁臯比。
門前勞載盈瓶酒，

紙上何曾一字師鳳嶺霜寒楓葉下鼎城月白塞鴻知
別來相勗無他語努力雲霄慰所思

送黃梅廣文張偉人歸施州

黃州知府楊

庚少白

多情人欲去黃州送別同登古竹樓從此堂檐無繫馬
那堪風雪獨歸舟白雲親舍江干遠赤壁新詩石上留
手折梅花清到骨旗亭聊當柳枝酬

鄧衛公振武巖

張書紳

散毛元帥竟如何上將先聲已倒戈蠻主休誇覃野旺
將軍誰似鄧甯河千年大長今安在三字孤崖永不磨

來鳳縣志

卷之三十一

藝文志

詩

三十八

獨笑牛羊凶水草慣勞旌旆駐山阿

振武巖

饒琳

雲山風樹劔旗空振武崖前紀戰功一代金戈揚偉烈
千秋鐵馬咽西風天留卧虎蟠龍地客到蠻烟瘴雨中
五百年來纔一瞬那堪搔首問英雄

佛潭

邑庠生

熊夢祥

星槎

神工鑿佛列危岑下映潭溪萬丈深泉水澄懷空法相
樓臺倒影入波心圓光並擁如來座寒氣潛生祇樹林
更愛古藤懸石壁禪門搖曳碧森森

卯崙

熊夢祥

木欄經歷幾千秋仙客常從此際遊玉箸金杯空想像
琪花異草極清幽雲開石磴烟霞燦水湧銀濤島嶼浮
壁下澄潭人罕至魚龍潛處聽寒流

弔三烈士墓

武生何遠松雪芳

東風料峭夕陽寒杜宇聲啼血未乾忠烈同時埋指甲
草茅一樣露心肝妖氛未靖身先死闔帥無情命共殘
却惜史編搜不到空留精氣散毛關

孝子洞

何暘

來鳳縣志

卷之三十一

藝文志

詩

三十九

一劍當門人鬼隔全家匿洞死生懸衛親險脫鼉鼉穴
罵賊愁深瘴厲天血染蒼崖留麕硤恨聽秋雨泣龍泉
我來駐馬頻搔首露冷陂塘散白蓮

伏虎嘶風

來鳳縣知縣林翼池警齋

扃深古洞自何年昂負呼號氣竦然玄豹疑同深霧隱
明犀無用著燈燃焚輪駭翮探喉吼噎氣遊塵信口懸
勿謂使君封姓氏逍遙吹萬樂堯天

客寨霽虹

林翼池

經旬陰雨報方晴瞥見霓虹飲澗清色別雌雄明遠峽

彩分紫絳映邊城寒杉樹底樞星燦古寨橋頭複道橫
薄暮茫茫來過客恍然天際倚雲行

龍津漁火

林翼池

一帶長泓界北南漁燈草樹映毵毵中流沉璧淵光靜
隔岸燃犀水影涵萬點春星羅碧漢半鈎纖月釣清潭
漁人休向津頭問顆顆驪珠未可探

峽關傳鴻

林翼池

地接宣城出郭東峽塘關外盼飛鴻烽煙永息千年火
郵路時傳萬里筒何事銜蘆來塞外却疑繫帛墜林中

來鳳縣志

卷之三十一

藝文志

詩

四十

征禽不爽隨陽字遵陸清音度遠風

石門穿月

林翼池

草樹蕭疎歷晚村清輝萬丈射崖門幽林鳥靜篩雲影
石磴風微逗桂魂一鏡懸空連晝夜長河瀉碧印川原
謫仙問月亭何在是處低頭憶故園

三山疊翠

林翼池

北郭峰高積翠微蓬瀛方丈是仍非珊瑚架列床僊筆
圖畫屏開簇繡圍五馬東來煙着屐九龍西去雨沾衣
吾曹安得常登陟韞玉情容幾度輝

九龍靈湫

邑庠 歐陽祖璵 敬亭

龍去靈湫久不歸至今想見九龍飛
從來神物藏滄海定有遺珠照夕暉
雷雨捲潭山擁絮蛟螭舞壑水生衣
甘霖要慰三農望精禱他時願莫違

三山疊翠

張治

一波未落一波生天外三峯畫不成
翠重纔經新雨洗風多每愛夕陽晴
煙鬢鼎峙連霄碧螺黛蟬聯帶月明
未必移來從海上也應仙路接蓬瀛

二水拖籃

張治

來鳳縣志

卷之三十一

藝文志 詩

四十一

秋染寒潭徹底清流分兩脈靜無聲
三篙軟翠連龍渚十里浮藍接鳳城
練色齊涵烟縷縷風梭並織水盈盈
扁舟一葉隨波泛似在西湖畫裏行

蕉溪夜雨

張治

沿溪曾記種芭蕉車馬喧闐過客饒
野渡舟橫人悄悄郵亭夜宿雨瀟瀟
白添岸外波千尺綠碎窗前葉萬條
料得來朝歸路滑濕雲擁樹水平橋

前題

諸生 張鼎子文

夜雨瀟瀟感客情芭蕉窗外更淒清
雲迷古徑燈無焰

風捲寒溪葉有聲
暗壁鳴蟲催斷夢
幽軒人語伴殘更
詩腸洗得清如許
側耳終宵酒並傾

前題

何 暘

竒峯怪石繞寒流
夾岸芭蕉綠意稠
日夕雲蒸山外雨
宵深涼浸水邊樓
灣頭小住堪消暑
枕畔閒聽欲送秋
料得瀟湘風景異
黃蘆紅蓼白蘋洲

桐圃朝烟

張 治

地占平原得氣先
春風披拂綠陰圓
眠琴夕趁三更月
繞圃朝含十畝煙
未許遠山分秀色
却從鄰舍借餘妍

來鳳縣志

卷之三十一

藝文志

詩

四十二

校高百尺無凡鳥
彩鳳雙棲憶昔年

前題

張 鼎

芳草萋萋碧可憐
桐陰一片瀉朝煙
雨餘風景初晴日
畫裏人家已曙天
淡抹疎梧清影畔
輕含弱柳曉風前
當年棲鳳知何日
浮翠朝陽老圃邊

清泉引鳳

邑人 何遠程 金門

曉日晴開萬井烟
源頭活潑湧清泉
取攜不盡龍蟠處
耕鑿猶思鳳翮年
酒後烹茶香沁齒
暑中汲月夜摩肩
洗心池畔桐陰滿
何怪人多陸地仙

前題

張鼎

雲根寒吐碧涓涓絕似金山第一泉人去鳳城分曉汲
茶珍龍井試朝煙澄清注玉苔痕古蕩漾浮金月影圓
沁我詩脾塵不着竹梧陰蔭雨餘天

前題

張治

滿城煙霧鎖樓臺郭外山泉絕點埃冷冽浴教鷗鷺避
澄清飲記鳳凰來翩翩影自天邊去汨汨源從石罅開
井畔爪痕今在否波光暈碧浸莓苔

古洞廻龍

張鼎

來鳳縣志

卷之三十一

藝文志

詩

四十三

山形蟠曲勒廻龍古洞深深碧蘚封鱗爪帶腥經雨過
風雷得勢想雲從千秋猿鶴依營窟一片烟蘿覓舊蹤
應有探竒同禹穴芒鞋踏遍碧重重

佛潭印月

張鼎

佛潭千尺碧沉沉境闢咸康積翠深地隔紅塵空色相
波澄皓月証禪心幾行蝌蚪餘陳跡永夜魚龍聽梵音
相對頗饒清淨理幾人到此滌煩襟

前題

何暘

古寺深藏竹萬竿澄潭波靜老龍蟠佛天不借雲爲雨

仙境能教暑亦寒
風淨蓮臺空色相
日移藤影上欄干
叅禪欲把塵心滌
月照清泉眼界寬

仙洞流雲

張治

危欄倒影落溪流
誰識仙人上頭幽
草竒花山下路
光風霽月洞中秋
半灣綠水相環抱
一片白雲任去留
世外紅塵飛不到
攀援無計問漁舟

前題

張鼎

偶來勝地覓仙蹤
古洞寒烟翠幾重
自有千尋流水隔
長留一片白雲封
靈岩遺跡曾飛鶴
怪石盤空欲化龍

來鳳縣志

卷之三十一

藝文志

詩

四十四

造訪儘教迷舊路
羣真何日一相逢

石門積雪

張鼎

漫空風雪失前村
絕壁煙消廠石門
白晝憑開天黯黯
深宵寒鎖月黃昏
重關自闢銀爲限
一徑斜通玉有痕
策蹇何人乘曉出
不嫌驢背冷詩魂

文筆凌霄

張鼎

雙峯卓立位南離
文筆參差入望竒
染翰雲煙常擁護
濡毫風雨自淋漓
澄秋水臨池候燦爛
春花入夢時
無限溪山風景好
書空寫出畫中詩

老司城八咏 集唐

仙人岿

庠生 劉宗發 崇實

太極之元混沌坼碧城十二曲欄干嶽崖巨石自成室

疊嶂層峯坐可觀皓色分明雙闕榜長生只要一丸丹

誰能學得逍遙客曉漱瓊漿冰齒寒 符蕭 載祐 李商隱 崔珏

白居易 涉王 王建 李包 信

天姥岿

骨聳冰凌貌瑩然何須更問洞中天容顏盡怪長如舊

世上多疑是謫仙會得乾坤融結意已經秦漢幾千年

來鳳縣志

卷之三十一 藝文志 詩

四十五

晴空禮拜觀真像留與丹青作畫傳 張居易 祐貫 籍休

張禹 錫固 薛羅 隱 劉禹 錫 薛羅 隱

搭步橋

畫破青山路一條回看一曲倚危橋幾家漁舍冰綃隔

十里江村水墨描架險凌空隨指顧風清地古帶前朝

題橋每念相如志也跨寒驢挂酒瓢 鄭良士 秦熊 孺 登

寶庠 陸龜蒙 羅鄴 杜荀 鶴

卯岿

岿穿江底出江南水物山容盡足耽異草竒花人不識

寒清健碧遠相涵胸中壯氣猶須遣世上風流笑苦諳
此境真應詞客愛醉歌烏帽逞雄談王維亮皮日休

白居易劉威

烏龜磯

龜能顧印誰相重正直還因造化工六中離離齊土下
元精耿耿貫當中奇形怪狀誰能識壑目開襟許暫同
八卦氣中潛至寶真元浩浩理無窮劉宗兼李杜賀甫

吳融令狐楚

嘯虎灘

來鳳縣志

卷之三十一

藝文志

詩

四十六

虎溪聲合幾峯泉萬里波濤在目前積雨暗封青草徑
楚人皆逐下江船已能經險若平地耐可乘槎直上天
舟楫杳然從此去世間無物可勾牽齊己沈彬

顧況李白居易

躍鱗潭

波浪無涯盡暴腮紅鱗多自鏡中來渚香杜若抽心短
風掃晴嵐畫障開麗日晴天相照映落花飛絮共徘徊
忽然分散無蹤影疑是神功不可猜許居易方光庭

萬齊融雍彦陶

穿崙

一月秋空兩月懸
分明挂在碧雲邊
莫言天上惟孤影
目極雲霄思浩然
自要乘風隨羽客
不知今夕是何年
一千三百如輪夜
何處風光最可憐

徐韓

賁傭

繆氏子
温庭筠

高張 駢 戴叔倫
白居易

新司城八詠 集唐

古寺鐘

庠生 向伯龍

松間已掩白雲封
未卧嘗聞半夜鐘
此際塵心應已斷
當時一笑也難逢
遠林歸鳥飛還集
近寺浮烟翠且重

來鳳縣志

卷之三十一 藝文志

詩

四十七

此景此時誰會得
悔將名利役疎慵

李商隱 皎然

劉羅

商隱

陸龜蒙 永明 薛逢

玉帶岩

好倚青山與碧溪
朗吟閑步喜相攜
嵐光未斂林初曉
嶺水爭分路轉迷
瑞氣迥浮青玉案
閒身應謝紫金泥
爲予寄語垂紳客
萬古榮華旦暮齊

羅劉 得 鄴

張德 賁 李裕

耿諱 宿 羅 杜 帆

月亮岩

堅貞一片色猶全
碧落誰分造化權
但覺虛空無障礙

可憐光影最團圓不知今夕爲何夕長取新年續舊年
留向人間光照夜迥疑江月半嬋娟劉居易商
賈舍 曦島 李張說 紳

筆架山

自拂煙霞安筆格天外三峯削不成珠玉會因成咳唾
雲山經用始鮮明紫光稱近丹青筆餘力猶隨鳳藻生
詩思又牽吟咏發不妨高處便題名陸龜蒙 甫蒙 崔李 灝紳

韓居易 羅慶餘 隱

龍頭嘴

來鳳縣志

卷之三十一

藝文志

詩

四十八

亂雲堆絮滿澄潭水巴侵磯直似藍藤杖竹舟相掩映
淺青深碧疊東南河邊淑氣迎芳草林外遙山隔翠嵐
時遇一聲新水調仙舟搖探鏡中酣韋杜 莊 陸龜蒙 融

孫居易 張牟 說融

馬娃潭

波中萬古生幽石定是龍飛天上來乍結精華齊永劫
自然靈貺作梯媒綠萍白芷遙相引嘯狖啼猿見盡猜
浮世近來輕駿骨欲題風韻愧凡才吳齊 融 張越 說

韓羅 翊 隱 貫 楊巨源 休

旋潭

水蹙斜文剪綠蘿柳邊風去綠生波山含瑞氣偏當日
鳥識歡心亦解歌此外俗塵都不染間中滋味亦無過
欲拈霜管題詩句醉舞詩狂漸入魔

張盧

祜

羅王

鄴維

李頎郎上元

徐稹元

大小龍潭

護江隄白踏晴沙水面魚身總帶花遠信初憑雙鯉去
芳洲肯恨柳絲遮即今好景留人住便欲垂綸到日斜
學得莊生濠上樂棹聲煙裏獨呶啞

白居易

初

薛朱

濤慶餘

來鳳縣志

卷之三十一

藝文志

詩

四十九

劉威宿

韋章

莊碣

過振武巖弔古

張峻

過客爭談衛國公金戈鐵馬暢英風土酋羅拜迎元帥
石壁留題耀武功營壘虛無新月白旌旗想像夕陽紅
可憐嗚咽天橋水夜作寒濤泣鬼雄

覃氏言其祖被俘鄧愈於天橋殺之

古佛潭

候選

張

鈞

蓮舫

巖覆如堂敞數層危樓半倚石峻嶒古潭照影留眞佛
短榻支頤話病僧瓦上泉鳴疑過雨峯頭猿下倒垂藤
詩成不敢高聲誦恐惹潛龍負浪升

鳳山泉

張鈞

一脈香通鳳嶺巔在山泉勝出山泉洗來俗耳人應笑
清到詩脾我欲仙候鼎時聞風颯颯不波自浸月娟娟
從今要與生公約調水無符莫浪傳

鳴鳳樓

張鈞

石磴穿花翠篠風樓高未覺在山中一層纔上雲霄近
羣峭皆低倚傍空醉我觴宜飛白羽驚人句好問蒼穹
手招鸞鳳來天際曉日梧桐射影紅

振武巖

張鈞

來鳳縣志

卷之三十一

藝文志

詩

五十

彗埽星流振旅還凱歌聲徹富州山高崖突兀留三字
上將威名鎮百蠻秋草已生神壁岢亂雲不動散毛關
作銘却恨無班固醉墨空餘夕照殷

五言絕句

烈女井

布衣 黃宗器 板橋

妾心如井水妾身沉井底匪妾甘沉身妾心不能已

佛潭印月

文童 張宗達

山靜佛天豁潭空月影孤那知塵境外猶有小蓬壺

仙岢流雲

張宗達

亂石響流泉雲飛出洞天神仙渺何處花草自年年

蕉溪夜雨

張宗達

寒雲低野渡蕉葉覆溪橋一夜瀟瀟雨應添幾許潮

石門積雪

張宗達

石徑寒飛雪驅車過此門萬峯皆積玉無復舊苔痕

七言絕句

下車兼旬卽景成咏以當采風商盤

冉駝遺種語侏儻大旺當年有舊司苗錦如雲成五色
勝他番褐紫駝尼

來鳳縣志

卷之三十一

藝文志

詩

五十一

羊腸蟻穴路彎彎古迹猶存振武關散木良材同一炬
年年十月便燒山

椎髻雕題態若何利宣餘習未消磨金環貫耳誰家女
解唱鼃鼃蛺蝶歌

官符商引到山家綠雪紛紛乍吐芽莫怪采茶時節好
火前茶勝雨前茶

來鳳教匪未靖奉代守硤口寨

代來鳳縣事 王三錫 河南
利川縣丞 拔貢

竹駕窩蓬木紮城憑高扼要勢縱橫獨憐負戟拋鋤者

盡是宣恩義勇兵
四野蛙聲雜雨聲
溪流喧漲客心驚
戍樓鼓角忙催柝
數到連敲第五更

迎春日作

來鳳知縣 康又民

亮輿露冕出東關
日映旌旗雪滿山
媿我無能蘇百姓
爲迎春色到人間

來鳳襍咏

來鳳知縣 方策 竹儂

到來長夏似深秋
早晚陰晴氣不侔
一陣蠻風吹瘴雨
征夫五月尚羊裘

來鳳縣志

卷之三十一

藝文志

詩

五十二

春歸百卉始勾萌
色色新奇瞥眼驚
讀遍離騷兼爾雅
山花山草不知名
老樹槎枒茁葉肥
中林白鳥弄芳菲
杜鵑啼到聲聲血
不信游人喚不歸
藥圃蒔苗那足珍
藥師收貯詫爲真
如何不識長生術
鬪得黃精別賣人
金戈鐵馬靖邊烽
百十年來化澤濃
今日太平真有象
大端陽節鼓鼙鼙

亂後經來鳳作

湖南永順府 張修府 東墅

鶯啼村樹半陰晴
驛路斜陽策馬行
誰道夜郎風景惡
水田如罽遠山橫
愁雲黯黯壓沙場
亂後郊原草亦荒
二月蠻天春不見
東風惆悵菜花黃
官渡寒波咽不流
山城華屋盡荒邱
可憐諸將論功日
白骨青燐滿地愁
焦土淒涼壞壁遮
山村父老半無家
垂楊也歷傷心劫
幾日春風便吐芽

烈女井

龍山增 饒琳 月樵

來鳳縣志

卷之三十一

藝文志

詩

五十三

海枯石爛豈無時
巾幗賢名後世知
一掬寒泉圓鏡影
照人肝胆媿鬚眉

弔三烈士墓

饒琳

指甲坡前草木香
我歌黃鳥弔三良
精魂不逐青燐散
夜夜悲風起北邙

張尉殉難詩

王廷弼

分栽花縣多年歲
一戰空留碧血殘
化鶴仙人今在否
更從何處葬衣冠

弔邑侯王筱華殉難詩

邑庠生 段延澤 春圃

縣小何堪玉石焚離民散卒任紛紛獨將一死酬君
國大節堂堂總不羣

倚劍空城力不支援兵望斷羽書遲濠梁一片無情月
照見孤臣喋血時

收骨時經秋復春紛紛士馬盡成塵凜然面目還生氣
呵護端知有鬼神

雲斷西江道路悠魂隨杜宇泣深秋以身報國原無恨
哭望高堂爲白頭

三年遺政尚如新吏蹟誰分酷與循拔薤撫嬰懷往事
來鳳縣志

卷之三十一

藝文志

詩

五十四

蒼生何處覓斯人

重重褒錫出天闈誰報淒涼地下魂感極不知雙淚落
原非一慟爲私恩

弔王邑侯筱華殉難詩

何 暘

時局難期衆志成獨將一死守孤城只今惟有西江月
照徹丹心萬古清

誓將清白報君親大節無慚守土臣回憶梅花高格調
新詩早見性情真

題王小艘冬青山館詩三首

淑浦 舒夢齡 蘇橋
翰林

干戈林列李家壇五庫平開劔氣寒不道涪翁香一瓣
至今遺落尚人間
開元風調建安骨三百年來沒處尋獨惜廣陵遺曲在
幾人知是六朝琴
江左八龍早無我吳中四傑已推公詩名敢恥居王後
曾向旗亭拜下風

張鏡如通守亂後紀事草題詞

饒琳

生際紅羊黑劫年香山妙咏續長篇我來同灑傷心淚
樂府新聲咽管絃

來鳳縣志

卷之三十一

藝文志

詩

五十五

河山戰鼓日紛紛窮得仙源了不聞朝市非秦權避地
全家仙隱入紅雲
落日驅車過戰場烽烟滿目淚沾裳包胥忽作秦庭哭
終是君恩未敢忘
妖星飛度夜郎西百里山河動鼓鼙太息秦關空設險
東封誰借一丸泥
那堪時局日艱難壕上伏屍血未乾守土孤臣拚一死
酸風苦雨曲中彈
將軍血戰早知名報國從來性命輕麋子峽邊流水

曲千秋猶作怒潮聲

閒談鐵馬與金戈振武銘功迹未磨今日鏡歌重唱處
河西猛士本來多

英風毅魄性情真劫火光中大有喜見亂離蓬孝子
欣聞板蕩識忠臣

閨閣賢名世罕知凌霜傲雪盡同時虧君二管生花筆
寫出蒼松翠柏姿

北阮翻爲南阮貧連雲大厦委灰塵狸奴何物多情甚
橫卧花陰戀主人

來鳳縣志

卷之三十一

藝文志

詩

五十六

尊前侑酒讀新詞泣鬼驚人句太奇他日輶軒資採擇
綱常名教賴扶持

謝傅才名信不虛東山絲竹樂何如蒼生近日望霖雨
黃葉林間漫著書

佛潭印月

貢生 覃化南 荆門

古寺深藏一徑開波光竹影共徘徊疑他潭靜月明夜
定有蒼龍聽法來

蕉溪夜雨

蕉葉參差夾岸生綠天低覆水雲平無端昨夜瀟瀟雨

多少離人夢不成

二水拖藍

獨上高樓縱大觀
雙流出峽夕陽殘
藍痕不借霜華染
好共天光一例看

石門積雪

雪光點點積蒼苔
風掃石門曙氣開
踏破寒雲山曲折
依稀人自玉關來